

欽定剿平粵匪方略

欽定剿平粵匪方略卷三百四十七 癸亥年

六月初一日 丙子 馮子材魁玉奏言南路屯賊自

越河被創後潛伏未敢下窺惟於馬陵水湖頭
博落村等處深溝高壘守護甚嚴探聞金陵兩
花臺賊營業經官軍攻奪北岸之江浦浦口九
洲洲南岸之下關七里洲先後克復上游水陸
諸軍雲集金陵剋期大舉江北敗賊紛紛南竄

半爲丹陽踞賊截留意在全力抗拒必須節節
掃蕩以杜奔軼覈計在防兵勇萬人留守進攻
稍形單薄連日挑選得力馬步派總兵田宗揚
等爲第一撥張文德等爲第二撥陶茂森等爲
第三撥各統所部輪流山擊由馬陵一帶攻搗
沿途賊壘以次規取丹陽仍飭該將領等察看
情形相機進止至鎮城爲江南根本重地尤宜

審顧萬全所有內外各城暨雲臺寶蓋諸山營壘已飭加意嚴防不敢稍涉大意奏入

上命議政王軍機大臣傳諭曾國藩都興阿富明阿馮子材魁玉曰江北敗賊紛紛南竄半爲丹陽踞賊截留馮子材等已派總兵田宗揚等由馬陵一帶步步進逼以期規復丹陽所籌尙中窾要惟鎮城防兵數止萬人攻守兼籌頗形單薄刻下南北

兩岸官軍連營進逼難保該逆不乘間挺走窺伺
鎮防馮子材務當妥籌戰守飭令各營加意防範
其田宗揚等軍尤當謀出萬全相機進取不可輕
率貪功二浦九洲收復逆賊渡江之路已斷揚
城防務漸鬆著都興阿富明阿派軍渡江而南交
馮子材等調遣以厚兵力一切進兵機宜並著曾
國藩妥籌調度

同日張亮基奏言髮逆由黔西竄擾遵義經總兵沈宏富擊敗後欲竄踞綏陽縣屬之旺草寨阻勞崇光進省之路當飭兵團跟蹤追剿適田興恕帶兵入川已抵遵義亦卽趕往協剿賊黨萬餘竄至集場距旺草寨甚近勞崇光先已調集兵團移紮寨中該匪三四千人直撲寨前被擊敗退奔入集場連日出隊均有斬擒四月十

二日沈宏富趕到會同寨內勇練分道進擊斃賊千餘該匪棄巢而遁田興恕等追殺二十餘里斃賊四千餘人餘匪竄至南坪探有入蜀之意業經勞崇光商令田興恕順道帶兵追剿當不致於蔓延奏入報

聞

初五日

庚辰

曾國藩彭玉麟楊岳斌奏言自巢含

和三城相繼攻克旋破雨花臺等處石城石壘
賊恐官軍攻城又以崑新旣克恐滬軍大舉圍
蘇李秀城與諸僞王紛紛改圖議由江北回援
近救金陵遠救蘇州於是天長六合來安等處
之賊次第解圍南渡其分踞橋林之小店者亦
紛紛渡江蕭慶衍度江浦浦口各賊已無固志
遣隊襲之行未中途浦口之賊先已棄城遁走

江浦之賊獻書乞降鮑超劉連捷察知其詐引
軍疾進蕭慶衍出烏江與各水營合師約戰李
朝斌派撥師船由大江衝下先駐浦口以扼忠
酋餘黨之未渡江者臣玉麟自率三營臣岳斌
自率四營同入內河師次江浦賊又聞風宵遁
遂會合陸師將江浦浦口一併收復仍沿途追
勦抄過逃賊之前賊正竄併九洲洲上僞城

之賊閉門不納舟師截江圍擊賊不得渡爭向
蘆葦中駭竄不知叢葦密處水深丈許或數丈
溝港縱橫人馬一蹴卽溺死者以數萬計餘賊
困偪江邊旣爲新開河所隔不得仍回北岸又
爲大江所阻不得徑渡南岸各水師登陸輪攻
櫻刃就戮者半墮江自沈者半二浦旣復遂進
規九洲洲曾國基乘夜至新江口與臣玉麟臣

岳斌商定先取南岸數隘撤其藩籬當派丁泗濱等四營爲頭隊從下關進喻俊明等六營爲二隊從草輭峽進彭楚漢等爲三隊聯絡策應十三日各營循南岸駛下將偪賊巢賊用礮轟擊猝不得近我軍縱火江上先焚賊艦數百乘勢薄壘搶登遂克下關草輭峽賊壘八座移師轉向中關該處水流甚急師船不能上駛回軍

暫息分兵襲破燕子磯而還臣岳斌詢知江濱
叢莽中尙有隄埂一道可達九洲賊濠之外
商令陸軍劉連捷等隊由隄埂缺處晁水而進
彭楚漢等從洲尾攻上張錦芳等由洲頭攻下
喻俊明等及李朝斌所部各駕三板繞洲奮擊
另飭丁泗濱等由南岸分領水師直趨中關十
五日兩岸並進賊之在中關者自恃附城爲壘

卒不稍動其盤踞九洲者下有賊划上有僞
城又於東西南三路分伏悍隊伺閒出擊我軍
猝難得手彭楚漢等奮勇進攻誓得此隘戰至
日晡賊始少怠初更後移船潛近賊壘時西南
風作衆軍以火箭攢射焚賊拖罟數隻風引火
猛燃及洲邊卡房喻俊明李朝斌揮軍直上成
發翔等在左彭楚漢等在右大呼登岸丁泗濱

亦由中關駛至臨過重濠肉薄齊登遂奪九狀
洲僞城聚殲羣賊無一脫者北岸盡爲我有長
江一律肅清從此圍攻金陵較易得手此次尤
爲出力各員謹先行開列懇請獎勵總兵銜副
將鄔桂芳副將胡俊友力戰捐軀均請照總兵
陣亡例從優議卹

曾國藩又奏冒濱江一帶自九狀洲攻克後留

蕭慶衍駐江浦浦口以固北岸之防派鮑超渡
江進紮孝陵衛以合金陵之圍吳坤修王可陞
等連破賊壘收復金寶圩蕪湖金柱關一帶已
無賊蹤西河灣汴各防亦均穩固甯國守將劉
松山赴涇與易開俊會勦灣灘大坑之賊僞襄
王奉王等股偏犯涇城易開俊力戰卻之其青
陽守將朱品隆屢攻石埭未克回軍仍駐青陽

徽州嶺防近無戰事饒州景德鎮一帶疊獲勝
仗李榕已抵湖口俟江忠義兵到卽與饒軍兩
路並進臣當檄江忠義李榕席寶田等各率所
部自石太漸進東壩埽蕩而前洪逆留僞忠王
不援蘇州共守金陵須倣照破九江安慶之法
嚴防江路禁截賊糧數月以後當有因飢內訌
之事

同日沈葆楨奏冒襄逆劉官方率黨分擾太湖
潘村江村谷源石斛立功街等處前隊已及楊
村將從青石灘偷渡繞出祁景段起聞信卽飭
繼果營從清風橋出祥字營從金家塢出親督
鼓湘營新衡營馳往青石灘南岸之臧家灣以
備不虞祥字營馳抵谷源賊衆列陣抗拒我軍
分三路偪之衝擊數次不動遂暗挑勇隊由山

僻小徑截賊爲兩前後夾擊該逆奪路狂奔追殺二十餘里陣斬千餘名敗匪下竄流口復回竄龍潭中洲另股從石斛倉頭抄我後路我軍先占山頭施放火器賊新敗膽怯陣勢遂亂擒斬數百解散千餘追二十餘里收隊王沐則自守清風橋老營而令營官王安敦等督帶所部向立功街分路抄擊探知巨股分踞中冠方村

塢遂由江村先偪中冠該逆憑卡固守大隊賊
匪自山而下對岸賊亦擁至王萼直前搏戰王
安敦潛由山後登高列隊以分其勢並撥兵由
左路越嶺策應鏖戰逾時羸斃賊匪千餘賊遁
歸方村塢乘勝衝殺過河賊大驚潰斬敵百餘
劉逆已遁出建境劉典現抵景鎮雖黃李古賴
等逆蔓延鄱都湖彭然東路無虞可以專意西

討劉典智勇足備諸將齊心努力必能得手至
督臣所派鈞字營已由彭澤移援湖口彭澤賊
尙蔓延鄱境之賊復分擾梟田街等處劉典席
寶田等從景鎮趨之賊衆聞風逃遁現已進紮
梟田街等處將從茅屋嶺繞出賊後夾攻陶家
渡北岸賊壘俾該逆不敢久踞

沈葆楨又奏言韓進春一軍進紮小港後派隊

環攻賊壘忽雞公山之賊從對面山岡馳至韓
進春督軍迎勦賈勇競進賊之馬隊先遁我軍
遂折而東合勦雞公山之賊轉戰逾時截殺無
算賊遂大敗入巢韓鳳飛躍濠而進諸將從之
焚其二壘韓鳳飛忽中礮陣亡該逆遂乘勢擁
出各營向前縱擊立殪騎賊數十名賊乃披靡
盡遁入壘堵逆黃老虎由都昌回顧老巢劉于

潯會同舟師進勦適韓進春督軍渡河該逆盡
擁撲出隔濠相持斃賊甚多賊猶抵拒不退韓
進春潛伏數哨於小港北岸佯令收隊該逆越
濠緊追將至河干伏兵四起縱橫掩殺賊陣大
亂拌死奔竄水陸各營斃賊無算是日另股賊
匪萬餘思由章田渡旁襲亦經劉于潯會同團
勇夾攻殪其前鋒始行退竄

沈葆楨又奏冒僞祐王李遠繼率黨四千餘人分紮青田鋪饒郡練勇由童子渡駛赴牛召山夜分登岸馳抵青田鋪焚其哨棚守棚之賊蒼黃同走乘勢衝入逆館擒獲逆酋斬之羣匪驚潰登山而遁旋見兵少復行馳下希圖圍裏我軍併力衝殺立殲賊目十餘名賊乃敗竄追殺十餘里斃悍賊三四百名賊供所斬逆酋係僞

祐王李適是否確保李遠繼尙難懸斷容再查
明具奏均奏入

上命議政王軍機大臣傳諭曾國藩左宗棠李鴻章
沈葆楨曾國荃曰鮑超彭玉麟等水陸各軍由江
浦浦口埽蕩而前羣賊望風奔靡其勢頗壯曾國
藩現派蕭慶衍留駐二浦以固北岸之防鮑超進
紮孝陵衛以合金陵之圍洪逆留僞忠王共圖死

守勢成阱檻惟青陽之軍邁攻石埭未下著曾國
藩催提江忠義一軍速與饒軍並進將江境各賊
驅除卽各率所部由石太進取東壩合圖金陵必
更易於得手金陵賊勢日蹙宜防因獸之鬪曾國
藩左宗棠沈葆楨務當協力扼堵毋任竄往江境
蘇郡之賊滬軍應可乘閒進圖浙軍能否分兵會
攻廣德著左宗棠李鴻章等相機進取北岸之防

著曾國藩隨時知會都興阿富明阿妥籌堵禦僞
襄王劉逆圖越昌江上游以犯婺樂經祥果等營
截剿上游穩固可以專事西路一俟江忠義馳抵
湖口卽著沈葆楨飭令劉典會合埽蕩陶家渡賊
壘是否卽克當與韓進春劉于濤等軍隨時策應
饒郡練勇出奇制勝甚屬可嘉應行獎勵人員著
沈葆楨查明保奏所斬逆酋是否確係李遠繼乃

卽查明奏聞

上諭內閣曰此次水陸各軍會克江浦浦口二城九
洲等要隘長江一律肅清覽奏曷勝欣慰所有
尤爲出力之總兵喻俊明丁泗濱彭楚漢楊明海
均著交軍機處記名遇有提督缺出請旨簡放彭
楚漢並著遇有水師總兵缺出先行請簡提督李
朝斌成發翔均著賞穿黃馬褂副將楊占鼐李助

發嚴定國顏海仙羅宏裕傅敏才周正林李宏試
均著交軍機處記名遇有總兵缺出請旨簡放楊
占鼇並賞加提督銜李助發並賞給禦勇巴圖魯
名號顏海仙並賞給捷勇巴圖魯名號羅宏裕並
賞給精勇巴圖魯名號傅敏才並賞給烈勇巴圖
魯名號總兵張錦芳著賞加提督銜副將唐敏義
著賞給策勇巴圖魯名號參將許雲發陶樹恩均

著以副將補用許雲發並賞給績勇巴圖魯名號
賞加總兵銜陶樹恩並賞給志勇巴圖魯名號遊
擊江福山著以參將選用並賞加副將銜其餘出
力人員著曾國藩等專案奏獎以示鼓勵總兵銜
副將鄔桂芳副將胡俊友力戰捐軀殊堪憫惻均
著交部照總兵陣亡例從優議卹其餘陣亡各員
弁並著查明請卹

十二日丁亥略秉章奏言僞易王石達開兩次犯

蜀皆爲重兵堵截退入滇境而竊謀未息以中
旗賴積新一股先自甯遠內竄以僞宰輔李幅
猷一股仍由黔境下趨而自率大隊由滇境之
米糧壩踵渡金江意謂我軍已跟追中旗不暇
回顧乘勢急進使我驟不及防臣揣度旣審當
飭署雅州府知府蔡步鍾就近募勇調阜和營

及木坪松林漢土各兵並重慶鎮唐友耕一軍
馳防安慶壩至萬工汛大小兩路渡口札土千
戶王應元扼守松林小河復調雲南提督胡中
和所部分布化林坪瓦斯溝以爲聲援又檄護
阜和協事都司謝國泰帶本標兵扼猛虎岡防
其竄打箭鑪之路維時中旗殘匪遠遁陝境臣
急調總兵蕭慶高何勝必兩軍兼程馳赴雅郡

以爲後勁而令邛部土司嶺承恩帶領夷兵將
越巂大路各隘紮斷偏賊使入夷地小徑卽從
後路包抄層層設守以臻周密三月二十五日
唐友耕蔡步鍾等馳至河邊布置甫定石逆果
擁衆三四萬人渡過金江知越巂大路有漢夷
各兵扼截遂由小路徑奔紮打地適松林小河
及大渡河水陡漲數丈賊衆趕造船筏時至河

邊窺渡壘被我兵轟斃多名四月初四日賊衆
四五千擁至河邊拚命搶渡我軍排列河岸屹
立不動連用槍礮轟擊將賊筏火藥引燃同時
炸烈搶渡之賊無一生還賊知大河難渡圖撲
松林小河冀由瀘定橋直趨天全土千戶王應
元扼河力戰前後斃賊數千都司慶吉等及土
司嶺承恩復帶夷兵由後路抄至新場一帶節

節攻偏乘夜劫取馬鞍山賊營逆匪猝不及防
夷兵從上壓下殺賊數百遂將馬鞍山據住絕
賊糧道逐日斃賊無算從此逆勢日蹙糧已漸
竭石逆乃以箭搏書射投千戶王應元啗之以
利欲使讓路王應元誓以死拒復以利誘土司
嶺承恩欲使緩攻而嶺承恩攻之益急石逆自
知陷入絕地憤極思逞十七日盡斬嚮導二百

餘人傾巢而出分股一撲大河一撲松林小河
唐友耕等隔岸轟擊兼以水勢湍急登筏者悉
皆沈溺對岸之賊亦紛紛倒地該逆無計可施
因伏賊巢殺馬而食繼以桑葉充飢二十三日
賊匪二百餘徑至河岸自棄器械口稱投誠唐
友耕蔡步鍾察知其詐督令開放槍礮石逆果
親擁大衆由水路分撲船筏二十餘隻悉被擊

沈時謝國泰已至松林遂與王應元督率土兵
渡過松林小河參將楊應剛等亦同嶺承恩從
馬鞍山壓下兩路齊撲紫打地將賊巢一律焚
燬斃賊數千山徑險仄逃竄之賊自相擁擠漢
夷兵練兩面夾擊槍礮如雨夷兵復登山巔競
用木石滾擊賊衆墜巖落水者以萬餘計石逆
僅率餘黨七八千人奔至老鴉漩復爲夷兵所

阻輜重盡失進退無路其妻妾五人抱幼子投河其曾受僞職老賊自溺者亦復不少楊應剛等稔知該逆無路逃生於洗馬姑豎立投誠免死大旗石逆攜其一子及僞宰輔曾仕和僞中丞黃再忠僞恩丞相章普城等並其餘黨至洗馬姑乞降楊應剛嶺承恩等將石達開等五人縛留在營遣散脅從四千餘人僞官悍賊悉予

駢誅此股巨匪實已勦洗淨盡石達開等五犯
於初十日押解到省當卽恭請

王命將石達開極刑處死僞宰輔曾仕和黃再忠章
普城一併凌遲處死其子石碇忠現年五歲例
應監禁俟及歲時照例辦理惟李幅猷一股現
由正安敗遁婺川臣已知照田興恕約會劉嶽
昭兩面合勦移調胡中和仍駐敘南並俟唐友

耕所部凱旋卽令馳赴江津碁江以固邊隅此
次尤爲出力各員弁謹先行開列懇請

恩施其餘出力員弁兵勇容臣查明請獎奏入

上命議政王軍機大臣傳諭略秉章曰石達開此次
銳意窺川其計甚狡略秉章豫派兵勇沿河截剿
遂將積年巨懸一鼓殲除調度合宜實不愧爲封
疆重臣惟李幅猷一股尙在夔川難保不作窺川

之計略秉章惟當乘此聲威嚴飭劉嶽昭等速將
此股殄滅川界毗連滇黔仍須隨時設備略秉章
擬令胡中和仍駐敘南唐友耕一軍馳赴江津基
江布置尙屬周密卽著照所議辦理至張由庚等
所部已抵漢中兵數尙單不足制賊死命此時川
省兵力當可分撥著略秉章添撥勁旅馳赴漢中
以厚兵力

上諭內閣曰石達開由廣西倡亂竄擾湖南湖北江
西安徽占踞金陵擁衆出犯浙江福建廣東等省
邊境紛擾滇黔注意川疆志在必逞此次川省將
士人人用命將積年巨憝一鼓生擒並將全股殄
滅實足以伸天討而快人心太子少保四川總督
駱秉章運籌決策調度有方深堪嘉尙著賞加太
子太保銜尤爲出力之總兵唐友耕著記名遇有

提督缺出請旨簡放署雅州府知府蔡步鍾著免
補知府以道員補用並賞戴花翎都司唐大有著
免補遊擊以參將升用並賞加副將銜遊擊龔定
國張占鼐均著免補遊擊以參將升用都司劉宇
德著免補都司以遊擊升用卽選府經歷縣丞秦
春臺著免選本班以通判留於四川補用從九品
劉炎光著免選本班以府經歷選用千總陳太平

著以守備補用並賞換花翎余文龍把總會占鰲
均著以守備升用並賞戴藍翎千總周高發著以
守備卽補並賞換花翎軍功胡興邦著以把總補
用典史姜由範著以府經歷縣丞卽補並賞戴藍
翎府經歷王梅著免補本班以知縣補用都司謝
國泰著免補遊擊以參將補用參將楊應剛著賞
加副將銜土千戶嶺承恩著賞加宣撫司職銜並

賞給桓勇巴圖魯名號王應元著賞加宣撫司職
銜並賞加副將銜王自楹著賞戴花翎並賞加四
品頂戴土目王立中著以吏目選用土遊擊包良
潤著賞加副將銜其餘出力員弁兵勇著略乘章
查明請獎

同日李鴻章奏冒查自江陰界之顧山起至無
錫城外止連亙數十里賊營密布係偽漳王護

王普王潮王侍王五逆帶領八九萬人希圖援
應江陰窺竄常熟其江陰另股又於五月十四
五等日圍撲楊庫經劉銘傳督軍痛勦大破賊
鋒忠逆渡江回援已到無錫聲稱合五逆之衆
水陸數十萬分路內犯李鶴章與黃翼升劉銘
傳赴顧山一帶躡看賊勢縱橫六七十里賊於
水陸兩路布置嚴密遂議分路滾營而進總兵

劉銘傳進攻北溷爲左路滕嗣武等進攻麥市
橋爲中路郭松林等進攻南溷爲右路復慮無
錫援賊繞抄王莊老營令周壽昌等由嚴家橋
進攻張涇橋一帶賊營黃翼升等水陸分進李
鶴章自率馬隊等營在顧山上下排列策應離
蘇十八里之蠡口有賊甚衆黃翼升恐其由水
道內犯飭令副將鄧長里等先將該處賊營二

座攻破移堵羊尖湖橋各隘並檄副將張桂芳等赴謝家橋排列助勢二十一日出隊移紮右路南抵陳市該逆已於街頭紮兩石卡阻我進兵並以礮船抵敵黃翼升焚其四船郭松林乘勢攻入擒斬百餘賊卽遁去遂傍前後大河分紮三營常州新到大股盤踞華市擾近楊厠副將耆貴等擊走之二十二日劉銘傳復於北涇

河北岸紮駐兩營滕嗣武張樹聲等行近麥市
橋該逆先搭浮橋渡河經周盛波等衝擊敗退
河西斬溺無算我軍焚其渡船依岸屯紮各路
濠壘均就一齊進攻左路劉銘傳轟倒北西河
邊石營五座賊於上流架橋渡河抄襲趙宗道
等擊敗之中路周盛波伏於河隄轟破木卡七
處右路吳建瀛等繞近南澗營邊相持至午李

鶴章遙見無錫援賊萬餘由張涇橋緱山羊尖
各路抄來恐周壽昌等兵力單薄飛調苗順清
等帶隊往助而以馬隊洋槍向前衝突斃賊無
數該逆遂退長涇水路之賊亦卽遁去各船向
南瀾衝進焚賊礮船十餘號賊以槍礮抵擊水
師不能登岸郭松林乘閒越過南瀾徑趨長涇
帶隊分攻東石營斃賊數百賊衆悉併街西參

將張林錦繞攻街西頭營拔樁直上受傷陣亡
郭松林等奮勇擁入石營斬首百餘賊始大敗
街西十餘營之賊相率狂奔郭松林追至竹塘
北澗逆衆分救長涇截我歸路適吳建瀛等趕
至前後夾擊賊衆潰退是夜李鶴章黃翼升同
赴陳市知會劉銘傳等往劫賊營火器齊發逆
衆奔潰水陸官軍鼓譟而進劉銘傳攻破北澗

賊營二十七座滕嗣武等攻破麥市橋賊營二
十三座郭松林等攻破南園賊營三十五座擒
斬逆衆六七千名戰至天明江陰無錫援賊由
跨塘橋長涇西陳家橋分路來援與敗賊合隊
仍有十餘萬衆盡力迎拒李鶴章令各軍以小
隊衝進以大隊圍裏之戰不數合賊卽反奔左
路劉銘傳追殺至八字尖右路郭松林賴榮光

等分追至竹塘長壽滕嗣武王東華等追殺至
三巴橋沿途殺斃八九千名踏毀賊營賊卡百
餘座計兩日一夜生擒僞王宗僞朝將主將及
義安福燕豫各逆首百餘名悍賊五千餘名殲
斃萬餘焚燒賊船七十餘隻奪獲賊船三十餘
隻顧山以西七八十里內一律肅清實足以寒
賊膽前准曾國藩來函僞忠王李秀城由金陵

回救蘇州昨據程學啟稟稱忠逆於二十二日
糾集大股已入蘇城徧貼偽示聲稱分四路內
竄幸其黨與大敗於江常之間其氣已挫此次
尤爲出力各員謹先行開列懇

恩鼓勵其餘出力文武員弁兵勇容查明彙案保奏
陣亡之擬保副將張林錦等均請交部從優議
卹奏入

上命議政王軍機大臣傳諭李鴻章曰現在江陰之
顧山以西已無賊蹤當可乘此聲威先將江陰縣
城克復並乘勝規取蘇常等城以期節節肅清偽
忠王已入蘇州徧貼偽示聲稱分四路內竄其言
雖肆其氣實餒著李鴻章激勵各軍分道進徧無
任再行出擾摺內所稱生擒偽王宗僞朝將主將
及義安福燕豫各逆首百餘名是否訊明正法其

偽漳王等五逆是否在內恐各營稟報或有未確實之處該撫仍當確切查明據實具奏

上諭內閣曰官軍會剿江陰無錫援賊大獲全勝顧山以西一律肅清著李鴻章督飭各軍乘此聲威進攻蘇常等逆以期一鼓殄除諸將士冒暑血戰奮勇可嘉其尤爲出力之遇缺題奏總兵郭松林福建金門鎮總兵王東華均著賞加提督銜總兵

滕嗣武劉銘傳均著遇有總兵缺出儘先提奏請
旨簡放知府張樹聲著免補本班遇有江蘇道員
缺出請旨簡放並賞戴花翎副將黃中元著以總
兵記名簡用鄧長里著賞給長勇巴圖魯名號參
將張學仕著賞給制勇巴圖魯名號都司李長樂
著賞給侃勇巴圖魯名號並著以參將補用遊擊
周盛波著以副將留於兩江補用遊擊銜顏邦桂

周壽昌均著賞加副將銜其餘出力文武員弁兵
勇著李鴻章彙案保奏陣亡之擬保副將儘先參
將張林錦擬保遊擊儘先都司汪龍淦擬保都司
儘先守備施銀貴均著交部從優議卹

同日沈葆楨奏言僞襄王劉逆敗遁出嶺後僞
匡王領逆復由建寧南竄逼近鴉橋劉勝祥由
鴉橋進兵遇於汪村賊以馬隊千人猛犯七次

我軍不動營官鄒興發大呼陷陣裏創力戰各
勇如牆而進敵傷賴逆落馬羣賊護之而逃賊
乃大潰擒斬千餘王沐復敗之於曹家壩等處
追至桃樹店而還浮梁以北賊氛稍靖鄱陽之
賊於石門陶家渡增壘浚濠爲死守計席寶田
營於袁家墩以偏之黃老虎親率賊黨撲營我
軍合力堵禦斃賊三四百名賊始敗退劉典約

會王德榜進勦崇光渡殺賊千餘將逆壘逆館
掃盡該逆遁歸石門席寶田又將陳家嶺踞逆
勦洗逐日於陶家渡挑戰該逆堅伏不出五月
十九日各營會攻陶家渡三面猛攻弁勇拔樁
越濠肉薄以登賊勢將潰騎賊押之死守攻擊
四時雖斃賊千計而堅壘急切難下我軍乃徐
徐收隊是役也席寶田所統精銳營尤爲出力

劉典所統克勇亦極銳戰黃老虎因鄱陽浮梁
嚴緊未能南竄徽甯糧缺又不願折回復嗾羣
逆堅守自赴都昌廣收大竹爲紮筏渡湖之計
並有打造戰船圍攻潯郡之說彭澤勇單亟須
援應江忠義已由省拔營赴潯其應由彭澤或
由都昌會攻俟到潯後察看情形進取奏入

上命議政王軍機大臣傳諭曾國藩左宗棠沈葆楨

曰饒九各屬羣盜如毛江忠義一軍現已拔營赴
潯著會國藩速飭該提督出湖口都昌一帶轉戰
而北會同劉典寶席田等軍廓清江境然後掃蕩
皖南餘孽規取金陵方無後顧之患江忠義所部
長精蓄銳下爲不久此次援剿上竄逆匪自當倍
加奮勉迅掃逆氛劉典王德榜業將崇光渡逆壘
三館掃盡在宗堂飭令吳勝進取石門陶家渡

等處賊壘毋任久踞沈葆楨仍當嚴飭各營奮勇
進攻毋稍鬆懈江南各軍分道攻賊漸覺得手賊
勢窮蹙恐其蓄意竄往江西以圖牽掣左宗棠沈
葆楨務須督飭將士協力勦洗盡殲醜類俾賊匪
無隙可乘於規復金陵方有把握

十六日

辛卯

馮子材魁玉奏冒丹陽屯賊愈集愈

多常州金壇等處逆匪先後併注分屯丹句一

帶數約八九萬衆並於丹陽七里廟左右添營
紮卡拒守甚嚴欲以援應金陵尤恐聲東擊西
窺伺鎮城因飭各營加意防範都興阿又飭副
將刁經明管帶兵勇二千九百餘名來南助剿
當飭暫駐丹徒聽候調遣其進取事宜仍俟會
國藩函覆商酌辦理奏入

上從之

十八日癸巳沈葆楨奏言陶家渡踞逆自五月十

九日被創後守禦益固黃老虎由都昌折回石
門偵知我軍進攻陶家渡卽圖襲我營壘各統
領會議留克勇右營於梘田街劉典王德榜督
六成隊赴茅屋嶺進攻陶家渡之北席寶田督
四營分伏山下以待石門援賊而以四營攻陶
家渡之東平江營攻其東南鄱陽民團繼之韓

字營忠勇軍攻其西南江軍水師出小港內河
水師出馬尾港饒州練勇護之二十四日各軍
壓賊而陣平江營首先衝入焚其更樓燬木椿
十數丈精殺營遂越濠入壘搏殺數十人克勇
拔取木椿三十餘層韓字營忠勇軍亦各偪壘
該逆四面受敵負嵎抗拒堅匿如故石門援賊
偵我有備亦不敢前二十五日忽有騎賊數百

帶隊數千至小港北岸韓進春督隊過河迎勦
斃其前鋒數十賊遂驚遁我軍乘勢攻壘仍爲
礮石所拒韓進春伏兵於左近山谷夜分於各
山頭縱火疑賊四更後賊之大股已從山僻潛
遁留數千死黨踞壘牽綴我軍楚軍各營分路
追勦截殺無算韓進春等衝入賊壘逆衆不支
棄巢而遁焚燬賊壘三十餘座殲斃數千餘逆

竄歸石門此次山力陣亡各員弁謹先行開列
一 懇

恩分別獎卹奏入

上命議政王軍機大臣傳諭左宗棠沈葆楨曰饒防
各軍掃清陶家渡賊壘勦辦尙屬得手惟逆首黃
老虎由都昌折回石門其勢尙熾沈葆楨務當督
飭諸軍乘此聲威將石門股匪悉數殲除毋令與

彭澤湖口諸賊合併並著左宗棠飭令劉典迅速
進剿將黃逆就地殲擒一面督飭徽防各軍嚴扼
要隘勿任折竄徽郡

上諭內閣曰逆匪竄擾饒州府屬盤踞陶家渡負嵎
固守各營分路攻剿衝入賊壘焚燬賊壘三十餘
座斃賊數千勦辦尙屬得手所有尤爲出力之浙
江按察使劉典著賞加布政使銜道員席寶田著

賞給業鏗額巴圖魯名號屈蟠著以江西道員補
用王德榜著以浙江道員補用參將韓進春著賞
還花翎其餘在事出力員弁兵勇准其擇尤保奏
陣亡之副將喻可宗著照總兵例賜卹並加恩予
諡遊擊銜都司艾子德著照遊擊例從優議卹千
總周景柏外委林貴德均著照原官從優議卹

十九日
午
曾國藩奏言查三月閒僞忠王銳意

犯鄂計不得逞折而東趨圖犯揚州裏下河厥
後李鴻章之兵攻破崑山進逼蘇州曾國荃之
兵攻破雨花臺各石壘而巢縣和含次第克復
於是逆謀大亂紛紛南渡遠救蘇州近救金陵
天六瓜州等處之賊不擊自退江浦橋林浦江
之賊不攻自破在忠會之意收回江北羣賊全
力保守江南僅留精銳分守九洲洲七里洲等

壘欲與金陵相犄角爲堅拒不拔之基不料我軍大舉進攻正值羣賊甫渡中洲未達南岸之際凡競渡之賊蟻聚於濠汊蘆葦中各礮船繞洲圍攻登岸搏戰數萬悍寇悉數聚殲縱偶有倖脫者亦不過逃歸金陵老巢實未嘗紛竄江北致貽裏下河之患九洲克後臣卽檄鮑超南渡檄蕭慶衍防守二浦旋接楊岳斌會國基

來函請調蕭慶衍同渡南岸紮駐神策門一帶
而以鮑超一軍繞過鍾山直達孝陵衛漸圍合
圍爲持重之謀者則以城垣太廣兵力猶單不
宜力求合圍恐大股援賊齊至一隙可乘全局
俱震爲制敵之謀者則以漸攻富陽滬攻蘇州
金陵亦宜迅速合圍使該逆備多力分不遑兼
顧或者致力於金陵收效於蘇杭三處有一得

手兩處可期並下臣亦以合圍制敵之說爲宜
擬俟江西邊境蕩平再調江忠義李榕席寶田
等軍由皖南漸趨東壩會剿金陵一面咨請揚
州鎮江防兵前來協剿此籌剿金陵老巢之大
畧也奏入報

聞

二十九日

甲辰

官文嚴樹森奏言查候選員外郎

李雲麟廉隅耐苦頗能得士卒心實爲文員中
之帶兵得力者惟其年輕氣盛議論煩多才具
雖稱倜儻性情不免羸疏若置之偏裨得知兵
將帥薰陶磨練以老其才他日躁釋矜平未必
非

國家干城之選此時志氣未定閱歷尙淺猝投艱
鉅恐誤事機該員聽人指揮辦一鄉一邑之賊

尙屬優爲非敢信其能濟三省邊防之統帥也
現在陝南羣盜如毛軍事日亟援師四集統帥
無人若由多隆阿派員前往接替或恩信未孚
或資望太淺未必能服陝南諸將之心道員張
由庚曾在鄂省帶勇臣官文深知其人驍莽躁
率更在李雲麟下若令統攝陝南諸軍必難勝
任臣等再四籌商以陝南情形而論必須謀勇

兼優之帥益以專膺疆寄之權使軍務地方合
爲一手不但本省文武操縱自如卽各路客兵
亦皆歸服且以本省之大僚辦本省之軍事徵
兵籌餉不必聽命於人庶於吏治軍務均有裨
益伏查四川藩司劉蓉曉暢戎機勇於任事如
蒙

天恩予以疆寄責令督辦陝南軍務由川省起程不

集賢堂
卷之四
三
出一月便可抵漢川省派出之張由庚各軍賢
愚勇怯爲該藩司所深知因材驅遣倍能得力
卽李雲麟亦素所心服必能聽其節制奏入

上命議政王軍機大臣傳諭駱秉章劉蓉曰陝南羣
盜如毛軍事日棘毛震壽一籌莫展因循貽誤而
李雲麟又不能獨當一面亟須知兵大員前往接
替軍事方能日有起色著駱秉章卽飭劉蓉督帶

各營趕緊起程前往督辦陝南軍務並著專摺奏
事一俟行抵漢南卽行迅速馳奏

同日左宗棠奏冒浙師援江疊獲勝仗已將陶
家渡賊壘攻拔該逆疊經痛擊敗遁洋塘石門
劉典立派七營會同江軍追剿沿途殲斃多名
行抵洋塘該逆列隊抗拒又經我軍擊敗後路
石門雞公包之賊大至劉典復派黃少春所部

先勦雞公包之賊該逆已向青山橋一帶逃竄
各營分路進攻石門直逼賊壘賊衆棄壘逃遁
乘勝掩殺該逆合併鐵鑪岡援賊復圖回拒適
王德榜等由左路搜勦而上攔頭截擊賊遂大
敗越嶺逃竄追殺一千有餘直抵鐵鑪岡賊悉
向彭澤縣境竄去浮梁鄱陽境內一律肅清都
昌之賊亦聞風下竄現在李榕駐紮湖口江忠

義已入江西將由都昌以趨湖口如機勢湊拍
江軍躡其後江忠義李榕兩軍阻其前或可聚
而殲旃惟由彭澤縣境可橫竄建德以出祁門
劉典一軍尙須防宣歙一路未可復進且士卒
勞瘁異常擬令稍爲休息確審賊蹤以定進止
現時天氣酷熱疫氣盛行實難趨戰俟秋涼後
卽行督飭各軍力圖進取以赴戎機奏入

上命議政王軍機大臣傳諭曾國藩左宗棠沈葆楨
曰浙師會合江軍將陶家渡等處賊壘掃蕩其竄
往洋塘石門之賊復經劉典等馳勦賊衆悉向彭
澤竄去浮梁鄱陽境內一律肅清都昌之賊亦聞
風下竄事機甚爲順手刻下李榕一軍駐紮湖口
江忠義諒已自潯拔隊卽可與江省追躡之師前
後夾擊以圖聚殲著曾國藩左宗棠沈葆楨分飭

各軍合力掃蕩無任旁竄賊本由建德初門竄出
此時被勦窮蹙恐復由原路鋌走左宗棠擬令劉
典一軍防堵宜歛一路甚合機宜卽著妥籌調度
相機辦理軍營疫氣盛行殊深慮繫現在已交秋
令時疫諒可稍減左宗棠惟當加意拊循以消疹
戾

左宗棠又奏言 臣奉

命總統援浙各軍總計水陸各營共兵一萬三千二百有餘除南康勇三千由臣撤遣外遊擊關鎮國所帶紅單船十號計弁勇四百十三名現有四號調赴臺灣餘均留閩其薪糧應由閩省發給道員康國器所部各營已飭令挑留四千此外尙有彰武軍一千一百餘名暫駐浦城秦如虎舊部閩字四營並楚勇共一千九百名現駐

聞家堰忠毅軍八百名現駐義橋嘯勇漳詔勇
八百餘名現亦調歸義橋經臣飭歸藩司蔣益
澧就近統領聽候派撥共計每月薪糧尙需五
萬餘兩浦城向設援浙大營糧臺支應援浙各
軍臣旣並統此軍自應歸併總糧臺均勻支應
再臣入浙後距浦較遠擬於衢州府城設立閩
浙糧臺綜司各軍支應派署杭嘉湖道蘇式敬

湖南卽補道王嘉敏總司其事其浦城糧臺應
卽改爲轉運局以節糜費奏入報

聞